

南

風

印刷所河内東京印館



人立創

馬迪
范瓊
阮伯卓

報館主人

范瓊

編輯部設在河內行荻街門牌第八十號

印刷兼發行人河內行荻街門牌第八十二號東京印館 黎文謹

御 賜 詩

纓鼓南風甫半週。絃聲洋溢一方球。
帶將霜露培新美。吹散雲霧破舊愁。
扶鼎以絲名在漢。獲麟著筆義猶周。
青山綠水風徐遍。不僅頑夫與薄夫。

啓定三年三月二十四日

內閣恭錄

行在機密轉錄

報期

月出一册
每册一百
二十八張

報價

全年六元
半年三元
每册五毛

廣告價目

第一張每行刊告白
專登本國人或大法人
之廣告以獎勞工家及
士貨其價目隨日而定

注意

凡來稿及寄信屬編
輯事務者專由本誌
阮有進先生認
買稿及送銀者宜由泉
京印館葉文瀾先生照

版權所有

不許轉載

第百九二册目

古詩摘錄
鳴鵲詩集(續)



古詩摘錄

★甘雨辭

汝伯仕

去冬而春而夏徂。雨少田焦穀不收。夏半翻然
 天氣轉。大雨小雨辰辰濡。野蛙塞塞水盈畝。田
 草驕驕壞沃疇。兩邊村人忽歎息。絮絮隔牆言
 閔極。爾來數年穀不登。人饑戶流爲雨嗇。今焉
 甘雨似順時。家家廢田竟不治。前月耕牛疫死
 盡。耜耨雖良奚所施。四方疫盛牛價貴。家室靡
 錢可再市。况茲牛災靡歇。停市得也難保。匪易
 有牛。無雨既可哀。有雨無牛更切哉。悠悠昊天
 胡寧忍。年年畝畝失生涯。憶昔亦曾旱後雨。博
 勞宵鳴牛無故。發遊衣喪遊衣晨出督奴行。荷覃耜
 奴荷鈔主屬斤破隴雲耨野烟。茶蓼朝開苗
 夕樹。星月在天人在田。心貪農樂忘農苦。東隣
 西隣爭赴時。妻饁子藜。行縷縷。雖則幾曾飽。終
 歲眼前猶有醫瘡計。不似今日擁空拳。耨耨塵
 封人盡眠。夜寂收欄布。蛛網罷颺爲冗豕。爲

古詩摘錄



園仰視吳天天。天窈窕。企彼牽牛不可牽。且來
 出閭倚鑄望。夾路草漫紆跡纏。蒼蒼遠近似禾
 黍。蔽野萑萑鑽淡烟。腹田幾頃村村北。初來農
 候人聲喧。幾曲野歌風遠遠。高遏白雲飛。遠天
 行人停鞍聽何處。少女擁稼當彼田。今乃漢
 漠宿鷗鳥。圓無吐牛一兩鞭。村前最是長沙者。
 草青沙白接江邊。牧童不遊舊徑斷。斜陽來往
 惟客船。此地初來紛播植。曷常荒落如今年。年
 月漂流心慘惻。淒淒雨中鳴杜鵑。吾村流戶去
 不復。我居獨冀有秋熟。豈知天事不可期。到秋
 必是又無穀。無穀或可食芋麻。上供租稅當奈
 何。財賦大政不可闕。年來徵吏勤催科。催科徵
 吏曉宵急。供輸少緩敲朴加。由今追前復想後。
 甘雨多辰苦雨多。我病初閒臥天曉。撞聞斯言
 轉忙懊。不以雨喜而雨悲。農民此苦難控告。憂
 來蒙被欲索眠。猶聞簷風散餘溜。

一

古詩換錄

●芙蓉辭

前人

亭亭。椰樹。凌空碧。芙蓉。附之葉。莫莫。妾擬向。郎
 結金蘭。豈謀一辰。托踪跡。妾身飄。蕭輕似葉。妾
 心芳潔。貞於石。石著熱時。猶轉灰。妾心如冰。自
 精白。郎君休怪。甘卷懷。粧來妾身。將待適郎。植
 性甘如辣。何妾亦芳烈。而辛多。辛辣甘芳。兩相
 濟。如調鼎。鼎鹽梅和桂海以南。一字宙。天生郎
 妾之山河。郎請開心。與妾炤。氣味渾全成一家。
 時爲世間。破愁戚。人人欲悅顏。如花辰爲世間。
 屬情好。人人和悅顏。欲配。

▲樵夫辭

陳明繼

山之岐。山之峭。斧斤出入必以時。山岩迢嶢不
 易陟。縱然木美不易得。生涯只在山之間。晨出
 暮歸。自往還。有時風前吹。笛去數聲。滾滾滿天。
 地。有時月下帶童來。○遠送海山隈。無窮造
 化供生足。好伴爲耕與爲牧。山之岐。山之峭。斧
 斤出入必以時。

◎又體

范仕愛

山雲浮。山樹秋。採薪步上山之頭。山頭雨露滋
 花草。花草迎人盈路笑。逍遙行徑。又松筠。鎮日
 優游聖世春。有時伐柯在山裡。斧聲驚奪豺狼
 氣。有時束楚下岩阿。晚唱歡調。燕雀歌。人生幸
 遇昇平象。雖在烟霞皆帝旦。山雲浮。山樹秋。採
 薪步上山之頭。

▲漁父辭

前人

江柳陰。江水深。釣船不到江之心。江心風高浪
 相激。縱使魚多豈易得。釣絲只向江邊垂。有魚
 無魚心自頤。有辰投竿把書讀。殘陽漸紅江轉
 綠。有時沽酒飲風前。沙鷗忘機相對眠。人生富
 貴何足羨。好是春鴻與秋燕。江柳陰。江水深。釣
 船不到江之心。

★窮通辭

用陶淵明歸去來辭體格

伍林阮子貽

窮與通兮全憑天地覆載吾。既自少年忘於穀
 奚一鬱而自虞。悟用世之不易。知適志之爲娛。

耕心田樵談耕堯田者有水慮耕湯田者有旱憂耕心田無慮無憂而家飽寔所志之不誣莫奈何於天定縱客遊於上都輕負笈於千里樂自隨之妻孥乃瞻芳甸載詠載歌院裡鳴鐘路上鳴珂秀水奇山天寶物華美景可愛樂意偏多宜室家兮啓處蔚花樹兮敷榮羨萬物之得所觸庶類以生情念榮名以爲寶欲素志之可行報黃槐之信息嗟秋棘之凋零爲山兮虧一簣編柳楚國先賢傳孫敬在太學編柳爲簡以寫經兮忝所生慨脩名之未立驚歲梭之不停窮輿通兮聽祿命之徹天終吾生以徜徉歌好合之詩篇對棣花而樂只游藝林以怡然友人贈予以言曰今吾子其免旃隨遇而安立志彌堅良玉韞於璞石明珠含於驪淵欲求至寶當勇往而向前有志者竟成勉吾子以希賢至矣哉吾友勉吾以立達謂如力田必逢年史記力田不如逢年善士不如遇合又何必放心而荒嬉優遊於山水笑傲於琴棋惟讀書以

鳴鵲詩集

致用庶可慰乎我思縱此歸閒而娛老何妨把酒以吟詩與妻兒兮昕夕循理樂善兮如斯祿命微天素書

▲棄婦辭

張登桂

昔妾少年時與君爲相知誓守同百年相歡無別離今朝顏色衰君行多可疑欲言不可得相見終無期君如山上松獨立固不移妾如水中舟漂泊無可依沉思每夜此情當告誰開門欲前去不知何所之相隔幾里許相對如天涯君諒執高節賤妾夫何爲

▲鳴鵲詩集(續)

南甯阮衡先生原著

●哀潘寬仲

不殺潘寬仲又安終不安人爲邦國計我惜平生歡自我與子交悠悠二紀間豈惟婚姻故意氣自相關去年南策府卽次共盤桓樽酒且爲樂同心臭如蘭豈云有異圖挈家依于官骨肉不相信浮言基禍端根由卒以白株蔓自不干

鳴鶴詩集


我來候北城。子亦回吾驢。聚散在俄頃。去留同
 苦艱。庶幾相見期。一別遂不還。人情與世故。翻
 覆如波瀾。天網何恢恢。子竟不得寬。聞子臨刑
 時。憤氣發容顏。吟詩兩句就。引頸一刀完。哀哉
 潘寬仲。奄忽罹凶殘。人生誰不死。子死尤足嘆。
 有才竟莫展。有福斯為難。何能做一場。傀儡許
 人看。茫茫不平事。顧此如循環。吾哀潘寬仲。慘
 怛摧心肝。

○客中秋對月贈內

去歲中秋雨。壓雲清輝不來。月負人。今歲中秋
 月。浩潔旅况無聊人。負月月人相負。幾多般。四
 美兼全也。寔難誰是一心無負者。白頭明月鏡
 中看。

○觀競渡

競渡曾聞故事傳。客中見此倍飄然。無風忽湧
 層層浪。有翼齊飛片。片船我意不妨矜。殿後人
 情原自樂。爭先一場戲劇同。歸去分付寒江與
 暮烟。



★奉呈北城視事黎貴台 玄雲洞

清平何事樂流離。入口飄飄任所之。去就不侔
 王粲傳。窮愁頗似杜陵詩。計輸狡兔營三窟。分
 計鷓鴣寄一枝。已是含情無展處。幾回傾倒為
 新知。

▲策江守歲

世事殘棋猶未了。年光流水暗將催。壯心不作
 思鄉夢。旅次驚逢守歲杯。但覺寒聲終夜動。不
 知春色幾時回。至靈自古多名跡。為記遊人此
 度來。

●夢中登旗臺賦詩

無端獨步上旗臺。云是仙人跨鶴來。歷歷宮墻
 已如此。紛紛車馬何為哉。千年王氣有衰歇。二
 月桃花猶盛開。笑指北江是歸路。感君龍渡重
 徘徊。

挽協鎮壽如侯

并引

公姓阮諱致知。東山福壽人。案未舉三場。遭西山

之亂。躲居教授。丙辰年。航海投嘉定。初授參軍。蘇宜光山海陽協鎮。浩然有歸休之志。遂解鎮務。治鉛場。築室翠洞山下。經八九年以病終。壽六十有三。無子。公平生豪曠。輕財愛士。衡避地南策。公常周給之。雖在病中。猶拳拳願念。方謀授節未遂。而公遽卒。蓋公於衡有成就之心。而衡之命塞至此。良可嘆已。尤感公有知己之言。哭之以詩。

南國功臣完局歸。無端窮士亦沾衣。感公知己言猶在。嗟我投人計已非。萬頃襟懷空浩浩。三陟事業尚巍巍。峴山不用留碑碣。墨洞雲霞像德輝。

過前刑部參知黃公城中舊宅見柳樹

感作

并引 前刑部參知德玉侯黃公。為父安協鎮時。屢招衡不肯來。公能容之。未幾公回朝。丁母憂解官。衡感激以詩。奉寄。公亦辱書惠答。庚午歲。公欽命刑事北城。邀衡與遊。待以客禮。時陪詩文事。僕自念一介布衣。與亞卿偶坐。僭濫

非分。且出入權門。亦非意所樂。居數月固辭而歸。公以白金二十兩為贖。此後僕不復來。公竟卒于官。恩意兩全。又安不靖。僕挈家北依。尋被浮言牽累。應候在城。旅况之栖栖。塵容之碌碌。其視昔遊為何如也。感知己之云亡。悲此身之不偶。辰舊宅已毀。惟柳樹在。觸物愴懷。而作是詩。

鳴鵲詩集

當年乍去留餘地。今日重來感舊陰。待客已無徐孺榻。招賢猶愧郭生金。祇因知己恩偏濫。轉使寒儒累更深。流落此身安足道。辱公高眼負公心。

○己巳年四十九歲故京春日
少年春日此京中。家國君親樂事同。一去風流都換舊。重來齒髮已成翁。栖栖旅棹愁無奈。緲緲鄉關望不窮。四十八年閑過了。前程須且聽天公。

新年旅况

已知四十九年非。旅况蕭騷生事微。六日以來常絕粒。一家之內迭傳衣。憂多豈為功名債。義在寧論得喪機。獨有歸歸未得。幾回南望嶺雲飛。

★陳某生子試週。在同春坊設席相邀。以詩飭喜

同春春色謫如蘭。旅次相邀賞醉盤。物理生生

鳴鶴詩集

皆可樂人情。幼幼共為歡。取戈取印。何年驗。能食能言。此日觀萬事。豈應如是足。有懷且為一分寬。

○西湖二首

西湖湖上泛漁舟。西湖湖中隱金牛。昇龍王氣於此住。西湖之勝在杭州。萬頃波光渾似鏡。四時雲物總為秋。氣吞雲夢者誰子。宜待功成來此遊。

西湖名勝古今傳。自我東遊四十年。岸寺鐘聲餘杳杳。御津草色故芊芊。浣絲綵女相呼伴。撒網漁翁不繫船。浩蕩無窮斯水樂。結廬携酒共超然。

◎遊西湖己卯四月之望。與客夢蘇同遊西湖。

天開一鏡。焰東都秀氣。汪汪在此湖。日射蛟宮深見底。任陸為牛在水為蛟。陸形而水影也。烟浮鳳嘴。遠看無洞庭。不羨孤飛呂。赤壁相期並泛蘇。乘興杳然忘出處。莫教好事畫成圖。

六

○奉餞舅氏阮如衡公北使賀壽禮

上國蟠桃花正開。吾邦白雉獻重恢。身登玉帛羣方會。手展文章萬里才。盛餞即今臨珥水。雄心早已赴燕臺。微生預有觀光會。叔氏還來舅氏來。

▲餞同春坊某從往北使伊姪為通言

不才我負詩三百。豪興君輕路八千萬。國共邊球當盛會。一門叔姪有奇緣。華程發軔如今日。春舖含杯是隔年。從此相思應北望。酒星時傍使星邊。

★六月二十八日追感之作并引

侍講李陳公身殉先主之難。近來言節義皆必歸焉。己卯歲。余在昇龍城。逢雲耕學生危某言歸。邇拜公忌。并追述其事甚悉。慨然成慕。而作是詩。原公之死。在六月二十九日。而題二十八日者。尊先主從公志也。夫丙午至今三十餘年。言之猶為下淚。忠義之感人如是夫。○按公生辰講習學徒。以李侍郎一人命題。後卒如其志。公死後一年乃改革。啓柳視之。面色如生。無臭氣。額上而汗。汗出如茶馨。

三百餘年。培養在斯人。如此仁綱常。偷生肯學。

陳丞相一死何慚李侍郎義激壯心無憐慄名
存烈骨有馨香年年此日人同淚為泣江山泣
故王。

●已卯仲秋因公召便道還家留止旬餘

再往北城營歸計。

無端歸去却匆匆光景茫茫若夢中鄉黨笑迎
歡未盡女兒哭訴念何窮平泉石樹猶依舊鄰
架圖書已半空總是關心拋不得又尋歸計北
城東。

▲北城試場

統元二年癸未鄉試。四鎮合試于珥河
中洲。以王茂淵第一。至是嘉隆十八年
己卯。凡二百九十七人。復于河洲開試場。試懷德
府及西北諸鎮多士。取貢士二十三人。羅溪吳世美
素有重名。居榜之末。

三百年間氣運回珥河洲上試場開亭亭紫蓋
東南出滾滾青衫西北來此日共傳吳美殿何
人敢擬茂淵魁須知盛世科名重幾有文章不
試才。

鳴鶴詩集

○黃生成婚後與小女相携入富京

時第二女亦隨夫無候在京。

鏘鏘鳴鳳廣文亭結帨拖衿此送行弱女即今
為爾相新郎從昔是吾生客鄉定配權師友京
國同歸會女兒早晚錦堂重喜慶成家聊慰老
夫情。

▲賀新貢士范廷璿

廣安丹靈人
字在甫

東南三十為盛選我所試者第三人昔日窮愁
略相似今朝意氣翻然新相期正在匡辰策有
此可以慰老親吾衰不復科名夢仍向科名外
立身。

★和鎮武觀壁間詩韻

城外西湖一片秋城中神觀倚雲孤玄風振地
木再植劫火燒天金不流燂燂劍光寒射斗迢
迢鐘響寂歸樓求籤假夢非吾事獨自看碑感
昔遊。
黎末銷天下銅器以鑄錢。鎮武觀壁像及鐘毀之不得。己酉
三月觀前多年已仆樹忽然起立四方走觀以為奇事。

七

鳴鶴詩集

附原題

二十餘年花色秋。僧人長與鐘聲孤。風吹北塞
白冰夢。月到蘇江清水流。玄鶴一飛剩老樹。金
牛不見空登樓。平生除盡李三第。燕子相醒春
日遊。

己卯歲臘中立春書懷

家在鴻山九十峯。無端蹤跡滯昇龍。百年人事
去將半。一歲春光來又重。漸展桃紅開笑臉。初
回柳綠起衰容。靜觀物態緣辰樂。何必深杯興
自濃。

★春日招故人飲

家在驩州久未回。龍城兩見桃花開。年年春色
有如此。日日窮愁何有哉。漂泊風流如有命。叫
吟功業豈論才。故人尚有城南寓。爲聽黃鸝惠
肯來。

●五月五日客中吟

五月五日客中吟。客中吟苦難爲音。不須更說

懷沙恨。若比懷沙恨。更深舊宅荒涼誰是主。老
身漂泊到而今。眼前五色絲能染。不染平生一
片心。

▲再到策江舊寓

曾於此地賦登樓。一別俄然隔兩秋。山水依依
如有待。親朋忽忽竟難留。自嗟萍梗渾無定。深
愧瓊瑤且未酬。擬欲題詩記蹤跡。何辰得意又
來遊。

○國學 有金扁
大學門

高仰巍巍大學門。門前橋木積年根。聖人道教
如天大。我國文明此地尊。世局幾更絃不斷。科
名長在石能言。後生未預斯文籍。深媿楊家有
子孫。

▲東家吟

東方有財惜不用。西家用廣苦無財。用廣無財
辰得用。有財不用可哀哉。凡夫蔽鋼難分解。達
士胸懷要豁開。須信東山李太白。萬金散盡還
復來。